



# ad mam ka kit ti y wēene, ti m rōt-y lame yīng ye, la a d Gibriil waa mam nengē, n togs maam, ti Wēnde, (A Naam yi wagell n zēke) A pugda malegsā ne yāmba

Yii Abu Sa'ud Al-ḥudry nengē a yeelame: a Mu'aawiya yiime n kēng miisrē wā ti neb gūbg n zī beenē, t'a yeele: yaa bōe n zīndig yāmbā? La b yeele: tōnd zīime n tēegd Wēnd yuure. La a yeel yā: y wēenda ne Wēnd ti būmb ka zīndig yāmb ti sã n ka rē? Ti b yeele: d wēen ne Wēnd ti būmb ka zīndig tōnd ti sã n ka rē ye. La a yeele: ad mam ka kit ti yāmb wēen ti m rōt-y lame ye, ned ka yi n pēneg Wēnd Tēn-tuumā (Wēnd puusg la A tulgr be a yīnga) t'a hadiis paood n yud maam ye: la ad Wēnd Tēn-tuumā (Wēnd puusg la A tulgr be a yīnga) a yii raar a yembr, t'a Şahaabsā gūgb n zīē, t'a yeele: «bōe n zīndig yāmba»? Ti b yeel: tōnd zīime n tēegd Wēnd yuure la d pēgd-A ne A sēn kāndg tōnd ne lıslaangā la A maan tōnd neemā ne lıslaangā, la Nabiyaam yeele: ne Wēnd ti būmb ka zīndig yāmb ti ka rē? La b yeel yā: ne Wēnde, būmb ka zīndig tōnd ti ka rē ye, t'a yeele: «ad mam ka kit ti y wēene, ti m rōt-y lame yīng ye, la a d Gibriil waa mam nengē, n togs maam, ti Wēnde, (A Naam yi wagell n zēke) A pugda malegsā ne yāmba».

[Naşun Şahuḥun (Gom-sikdem sēn manege)] [A Muslim n togs-a]

A Mu'aawiya [bn Abu Sufyaan yiime (Wēnd yard be b yiibā yīnga) n tug neb sēn tigim taab miisrē wā, t'a sok-ba būmb ning yīng bāmb sēn tigmā, ti b yeele: d tēegda Wēnd yuure, t'a kit ti b wēene (Wēnd yard be a yīnga) ti bāmb sēn zī wā, raabā ka zuuge, rēnda Wēnd yuur tēegr bala, ti b wēene, rē poorē t'a yeel-ba: ad mam ka kit ti yāmb wēene, ti yaa sik la mam maan ne yāmb sıdā ye, rē poorē, a togsa yēnda dargε wā Nabiyaamā (Wēnd puusg la A tulgr be a yīnga) nengē, la a yeel ti ned ka be n pē Nabiyaamā wala yē pēemā ye, bala a Ummu Habiibā sēn yaa yēnda tão poakā, yaa Nabiyaamā (Wēnd puusg la A tulgr be a yīnga) paga, n leb n paase, yē rag n yaa Wahu wā gulsdbā nin-yengā, sēn lagem ne rē fāa, yēnda hadiis-rāmbā yaa bilfu, t'a yēs-ba ti Nabiyaamā (Wēnd puusg la A tulgr be a yīnga) rag n yii raar a yembre, a zakē wā n mik ti bāmb zīi miisrē wā n tēegd Wēnd yuure la b pēgd-A ne A sēn kāndg bāmb ne lıslaango la A sēn maan bāmb neema ne rē wā, ti Nabiyaamā (Wēnd puusg la A tulgr be a yīnga) sok-ba n kit ti b wēene wala a Mu'aawiya (Wēnd yard be a yīnga) sēn maanā ne a zamā wā, rē poorē ti Nabiyaamā yeel-ba (Wēnd puusg la A tulgr be a yīnga) a sēn sok-ba sabab la a sēn kit ti b wēenā, yaa malek a Gibriil n wa a nengē (tulgr be a yīnga) n kō-a kibare, ti Wēnde, (A Naam yi wagell n zēke) A pugda A malegsā ne bāmbā, la A vēnegd bāmb yudlem n wilgd-ba la A wilgd malegsā bāmb tuum sōngā la A pēgd-ba malegsē wā.

النجاة الخيرية  
ALNAJAT CHARITY

